

Prismas Casa das Ciencias á divulgación 2020

XXXIII Convocatoria

PRESENTACIÓN

Necesítanse moitos xestos como os premios Prisma porque ao convocalos, estamos valorando o que fan os nosos embaixadores da ciencia e isto é básico para que a sociedade coruñesa avance. O compromiso coa divulgación debe comezar nas aulas cunha educación pública e de calidade, pero tamén debemos facer que a ciencia forme parte das nosas rutinas. Por iso, necesitamos iniciativas como as que este ano e todos os anos desfilan pola Domus para que o coñecemento entre nas nosas vidas dunha forma sinxela, viaxe tecnolóxicamente ata a «tableta» dun neno ou dunha persoa adulta e quede para sempre no noso disco duro. Nisto, teñen moito mérito os que en cada edición lle engaden un prisma á ciencia coas súas propostas porque, sabedores de que hai un gran muro que nos separa deles, derribano e entran con forza a ensinarnos o seu mundo coa linguaxe que mellor encaixa. Disto encargáronse os Museos Científicos que adaptaron as categorías dos premios ás novas formas de facer e de comunicar.

Así é que a nosa aposta pola ciencia como ferramenta que nos fai máis fortes e mellores ha de ser decidida. Os gobernos debemos priorizar todo o traballo que realizan e colocalo por diante na escaleta de investimentos porque se sempre foi así, hoxe somos máis conscientes aínda de que sen eles, o mundo faise pequeno e treme. Hoxe por fin viramos a cabeza a eses cuartos cheos de probetas e de tubos de ensaio porque, precisamente, neses tubiños estreitos está a nosa esperanza, pero isto é algo que debemos de ter sempre presente: Aquí e agora polo que nos está tocando vivir e nun futuro, cando a vida se vista de normalidade.

Os que nesta entrega presentan os seus proxectos non son xenios do balón, pero fan marabillas coa cabeza para que o resto esteamos mellor, para que vivamos máis anos ou teñamos máis e mellores recursos. Por todo iso, merecen unha recompensa e o mellor dos aplausos, ás oito da tarde e durante os 365 días do ano.

Inés Rey, Alcaldesa da Coruña

PRISMAS CASA DAS CIENCIAS Á DIVULGACIÓN 2020

BASES DA CONVOCATORIA

PREMIOS

Concederanse os Prismas de Bronce aos mellores traballos de divulgación científica nas modalidades de **vídeo, novos medios, texto inédito, libro editado, artigo xornalístico, radio e proxectos singulares**. O Xurado outorgará ademais un Prisma Especial a persoas ou institucións que se significaron pola súa especial contribución á divulgación científica.

Os premios nas oito modalidades teñen as dotacións e están suxeitos ás condicións que se especifican en cada caso. Os premios quedarán sometidos ás retencións fiscais conforme á lexislación vixente.

Os premios non poderán ser distribuídos entre dúas ou máis candidaturas, pero o Xurado poderá declaralos desertos. No caso de que se presente un traballo realizado por varias persoas autoras, entenderase que a presentación é conxunta, e o importe do premio repartirase entre eles en partes iguais.

ENTREGA DE PREMIOS

Os Prismas entregaranse no transcurso dun acto que terá lugar na Coruña o sábado 14 de novembro de 2020.

A Organización correrá cos gastos de participación nos actos de entrega dunha soa persoa, en representación de cada modalidade. No caso de que as persoas galardoadas non residan en España, os gastos de participación aplicaranse aos desprazamentos e aloxamentos necesarios dentro do territorio español.

XURADO

Os Prismas outorgaranse por votación dun Xurado de polo menos seis membros, nomeados pola Organización entre persoas de recoñecido

prestixio no campo da divulgación científica, o xornalismo científico ou o ensino das ciencias.

A Alcaldesa da Coruña, ou persoa en quen delegue, presidirá o Xurado, e actuará como Secretario o xefe de servizo dos Museos Científicos Coruñeses. Corresponde á presidencia do Xurado dirixir e ordenar as deliberacións e votacións, sendo depositario, en caso de empate, do voto de calidade. O secretario velará polo cumprimento destas bases.

- As deliberacións do Xurado serán secretas.

- Os veredictos do Xurado serán inapelables.

Para a concesión dos premios, o Xurado valorará os traballos conforme aos seguintes criterios:

- Que demostren rigor científico e un adecuado estilo educativo.
- Que comuniquen de forma clara e sinxela temas científicos de interese e de actualidade
- Que posúan capacidade de divulgación e creatividade para comunicar a ciencia.

ORGANIZACIÓN

A Organización corre da conta dos Museos Científicos Coruñeses do Concello da Coruña. Un comité de selección, que traballará baixo a responsabilidade da Organización, axudará a establecer os niveis mínimos de calidade en cada categoría e asistirá ao Xurado cando este o solicite. A presentación de candidaturas supón a conformidade dos participantes coas bases. Calquera cuestión non recollida nelas resolverase a discreción pola Organización. As persoas participantes comprométense a xustificar a veracidade dos datos que faciliten sobre as candidaturas presentadas.

Os premios entregaranse á persoa física ou representante que figure como candidato ou candidata na presentación da solicitude de participación na convocatoria.

As persoas galardoadas participarán nos actos organizados con motivo da entrega de premios segundo lles sexa solicitado pola Organización.

Non poderán ser premiados aqueles traballos realizados polo persoal dos Museos Científicos Coruñeses ou o Concello da Coruña.

CONTIDO

Os traballos presentados como candidatos aos premios versarán sobre calquera tema en relación coas ciencias físicas e naturais, tanto nos seus aspectos xerais, como en calquera das súas ramas ou aplicacións prácticas. Os traballos, actividades e iniciativas obxecto de candidatura han de estar dirixidos ao público en xeral, excluíndose os destinados a especialistas.

AUTORÍA

As persoas participantes garantirán que son os lexítimos autores ou autoras dos traballos presentados; que ostentan os dereitos de propiedade intelectual requiridos para a presentación dos traballos con todos os seus elementos (noticias, artigos, reportaxes ou pezas informativas, imaxes, son, bandas sonoras, etc.) no presente certame; e que a presentación dos mesmos non vulnera os dereitos de terceiros.

Así mesmo, as persoas participantes fanse responsables das reclamacións que en calquera momento puidesen formularse sobre a autoría e orixinalidade dos traballos e sobre a titularidade dos dereitos, todo iso conforme á normativa vixente de propiedade intelectual. O Concello da Coruña non se fai responsable dos prexuízos que puidese ocasionar o incumprimento da anterior garantía, podendo exercitar as accións legais oportunas con vistas a reparar os danos e quebrantos ocasionados.

Non se farán públicos os nomes das persoas participantes non premiadas.

PRESENTACIÓN

Cada candidatura irá acompañada dunha ficha de participación que será enviada por correo electrónico a: premios@casaciencias.org, indicando no asunto do correo «XXXIII Convocatoria Prismas»

Para máis información: Teléfono: (+34) 981 189 842

Correo electrónico: premios@casaciencias.org

Internet: <https://www.coruna.gal/mc2/gl/premios/prismas>

PRISMA A VÍDEO

BASES ESPECÍFICAS

PREMIO

Ao mellor traballo en vídeo de divulgación científica entre todos os presentados, Prisma de Bronce e catro mil euros (4.000 euros).

CONDICIÓN

Poderán optar a este Prisma documentais ou programas de televisión cuxa primeira exhibición pública tivese lugar en 2019. No caso de producións por capítulos, poderanse presentar un máximo de dous episodios, cada un deles mediante a súa correspondente ficha de participación. Todos os traballos serán orixinais e deberán presentarse mediante unha ligazón para a súa descarga que se incluírá na ficha de participación.

Os vídeos en idioma distinto ao castelán ou galego acompañarán a tradución dos contidos correspondentes a un destes dous idiomas, ou una versión con subtítulos en castelán ou galego.

OUTRAS CIRCUNSTANCIAS

- 1. Para a súa exhibición pública durante a celebración da entrega de premios, os audiovisuais poderán ser dobrados ou subtitulados.
- 2. Os audiovisuais presentados quedarán en propiedade da Organización, e poderán ser proxectados de forma gratuíta nos Museos Científicos Coruñeses. Non se transferirán a persoas ou entidades alleas á Organización, salvo autorización expresa dos titulares dos dereitos de autor.

PRAZO DE PRESENTACIÓN

Finaliza o 31 de xullo de 2020 ás 12 horas.

PRISMA A NOVOS MEDIOS

BASES ESPECÍFICAS

PREMIO

Ao mellor traballo en novos medios (sitio web, canle en redes sociais, blog, etc.) adicado á divulgación científica, Prisma de Bronce e catro mil euros (4.000 euros).

CONDICIÓN

Poderán optar ao Prisma os novos medios en activo en 2019, e deberán estar dispoñibles para ser consultados en liña, debendo comunicarse calquera cambio de dirección posterior ao fin do prazo de presentación de candidaturas.

No caso de traballos por entradas (canles de YouTube, blogs, etc.), as candidaturas constarán dunha única ficha de participación na que deberán explicitar un máximo de dúas entradas concretas publicadas en 2019 como representativas do conxunto do traballo presentado.

Os traballos en idioma distinto ao castelán ou galego acompañarán a tradución dos contidos correspondentes a un destes dous idiomas.

PRAZO DE PRESENTACIÓN

Finaliza o 31 de xullo de 2020 ás 12 horas.

PRISMA A TEXTO INÉDITO

BASES ESPECÍFICAS

PREMIO

Ao mellor texto orixinal e inédito de divulgación científica, Prisma de Bronce e catro mil euros (4.000 euros).

CONDICIÓN

A extensión mínima dos traballos será de 220.000 caracteres sen espazos. Presentaranse en formato pdf, en tipo de letra Helvética ou Arial, con corpo de letra 14, interliñado sinxelo, en páxinas numeradas e irán asinados pola persoa ou persoas autoras. Poderán presentarse nesta categoría traballos impresos mediante procedementos de autoedición cando esta se realizara en 2019.

Os traballos en idioma distinto ao castelán ou galego acompañarán a tradución dos contidos correspondentes a un destes dous idiomas.

OUTRAS CIRCUNSTANCIAS

O Concello da Coruña facilitará ás persoas autoras da obra gañadora, a súa edición, publicación e distribución.

As persoas premiadas ceden os dereitos que lle correspondan pola primeira edición do libro, ata unha tirada máxima de 10.000 exemplares e sen ningunha outra restrición, ao Concello da Coruña, quen poderá xestionar a edición do mesmo en colaboración con calquera entidade pública ou privada. Se o Concello da Coruña non editase, por si ou a través doutro, o texto premiado nun prazo de dous anos, a persoa ou persoas autoras recobrarán os dereitos de primeira edición.

PRAZO DE PRESENTACIÓN

Finaliza o 31 de xullo de 2020 ás 12 horas.

PRISMA A LIBRO EDITADO

BASES ESPECÍFICAS

PREMIO

Ao mellor libro de divulgación científica publicado e distribuído en España en 2019, que se outorgará á editorial e consistirá nun Prisma de Bronce.

CONDICIÓN

Poderán optar todos os libros cuxa primeira edición en España se fixera durante o ano 2019.

Os traballos que fosen obxecto de impresión mediante procedementos de autoedición non poderán presentarse nesta categoría, debendo presentarse na de textos inéditos se cumpren as condicións para iso.

OUTRAS CIRCUNSTANCIAS

Os libros poderán ser presentados polas editoriais ou polas persoas autoras, que enviarán dous exemplares. Eses exemplares pasarán a formar parte dos fondos documentais dos Museos Científicos Coruñeses.

A dirección para o envío é:

XXXIII CONVOCATORIA

Prismas Casa das Ciencias á Divulgación

AquariumFinisterrae

Paseo Alcalde Francisco Vázquez, 34. 15002 A Coruña

España

PRAZO DE PRESENTACIÓN

Finaliza o 30 de xuño de 2020 ás 12 horas.

PRISMA A ARTIGO XORNALÍSTICO

BASES ESPECÍFICAS

PREMIO

Ao mellor artigo xornalístico de divulgación científica publicado nun medio de comunicación, que se outorgará á persoa autora e consistirá nun Prisma de Bronce e catro mil euros (4.000 euros).

CONDICIÓN

Poderán optar ao Prisma os artigos xornalísticos publicados en 2019.

Os artigos escritos en idioma distinto ao castelán ou galego acompañarán a tradución correspondenten un destes dous idiomas.

Presentarase unha ficha de participación por cada artigo, ata un máximo de dous por cada autor ou autora.

A documentación presentada non se devolverá, nin se manterá correspondencia sobre a mesma.

OUTRAS CIRCUNSTANCIAS

Os traballos presentaranse en formato PDF, por correo electrónico ou mediante ligazón para a súa descarga, ben polas propias persoas autoras, ou por calquera persoa ou entidade que asegure o consentimento daqueles. Só se admitirán dous artigos como máximo por autor/a.

PRAZO DE PRESENTACIÓN

Finaliza el 31 de xullo de 2020 ás 12 horas.

PRISMA A TRABALLO EN RADIO

BASES ESPECÍFICAS

PREMIO

Á mellor peza (episodio dun programa, noticia, entrevista...) de radio de divulgación científica, que se outorgará á persoa autora e consistirá nun Prisma de Bronce e catro mil euros (4.000 euros).

CONDICIÓNS

Poderán optar ao Prisma a persoa ou persoas autoras de pezas radiofónicas emitidas durante o ano 2019 sobre un tema científico ou tecnolóxico, que foran difundidos por unha emisora de radio ou podcast. Cada peza considerárase como unha candidatura independente, non podendo presentarse máis de dous por cada autor ou autora.

Os programas emitidos en idioma distinto ao castelán ou galego acompañarán a tradución correspondente nun destes dous idiomas.

Os traballos serán orixinais e deberán presentarse en formato dixital, mediante unha ligazón para a súa descarga.

OUTRAS CIRCUNSTANCIAS

Os traballos presentaranse pola propia persoa ou persoas autoras, ou por calquera persoa ou entidade que asegure o consentimento daqueles.

PRAZO DE PRESENTACIÓN

Finaliza o 31 de xullo de 2020 ás 12 horas.

PRISMA PROXECTO SINGULAR

BASES ESPECÍFICAS

PREMIO

Á persoa, agrupación, colectivo ou institución galardoada que recibirá un Prisma de Bronce e catro mil euros (4.000 euros).

CONDICIÓN

Poderán ser candidatos os proxectos singulares de divulgación científica que produzan resultados durante 2019 ou finalicen durante ese ano a súa execución. Deberán demostrar una ampla e diversa participación cidadá, referíndose o carácter singular á diversidade ou novidade dos medios empregados para a súa execución.

Os proxectos realizados en idioma distinto ao castelán ou ao galego acompañarán a tradución correspondente nun destes dous idiomas.

Deberase cumprimentar a ficha de participación, que se presentará acompañada dun máximo de 20 páxinas de documentación acreditativa dos méritos alegados. Esta documentación deberá presentarse en formato PDF, con tipo de letra Helvética ou Arial, de tamaño 14 e interliñado sinxelo. Tamén poderá achegarse o documento audiovisual que se considere conveniente, pero non poderá pasar os cinco minutos de duración. Toda a documentación presentarse nun único envío por correo electrónico ou mediante ligazón para a súa descarga.

A documentación presentada non se devolverá, nin se manterá correspondencia sobre a mesma.

OUTRAS CIRCUNSTANCIAS

Os traballos presentaranse pola propia persoa ou persoas autoras, ou por calquera persoa ou entidade que asegure o consentimento daqueles.

PRAZO DE PRESENTACIÓN

Finaliza o 31 de xullo de 2020 ás 12 horas.

PRISMA ESPECIAL DO XURADO

BASES ESPECÍFICAS

PREMIO

Á persoa ou institución galardoada, que recibirá un Prisma de Bronce.

CONDICIÓN

Poderán ser candidatas as persoas físicas ou xurídicas que se significaron pola súa contribución singular á divulgación científica e que desenvolvan a súa actividade en España.

As candidaturas non poderán ser presentadas polas propias persoas interesadas, senón que deberán ser propostas por universidades; reais academias; colexios profesionais; organismos e empresas públicas; museos; planetarios; acuarios; xardíns botánicos e zoolóxicos; centros de investigación; fundacións; medios de comunicación; e outras entidades públicas e privadas, así como polo propio Xurado.

A candidatura precisa da dispoñibilidade da persoa física ou xurídica que se presenta como candidata para asistir e recoller o premio na cerimonia de entrega, salvo excepción por causa de forza maior.

Deberase cumprimentar a ficha de participación, que se presentará acompañada dun máximo de 20 páxinas de documentación acreditativa dos méritos alegados.

Esta documentación poderá presentarse por correo electrónico en formato PDF con tipo de letra Helvética ou Arial, de tamaño 14 e interliñado sinxelo. A documentación presentada non se devolverá, nin se manterá correspondencia sobre a mesma.

PRAZO DE PRESENTACIÓN

Finaliza o 31 de xullo de 2020 ás 12 horas.